

پازار ایرتسی

فی ۱۱ رجب سنه ۱۳۲۸

وفی ۵ تموز سنه ۱۳۲۶

جمعیت علمیہ اسلامیہ نك ناشر افکاریدر

صاحب امتیاز :

فانع مجیز درسعاملرندن

استانبول مبعوثی

مصطفی عاصم

سر محرر :

فانع مجیز درسعاملرندن

توقاد مبعوثی

مصطفی صبری

مدیر مسئول :

مکتب قضاة معلملرندن

کلیسی منیر

مندرجات

تاریخ اسلام صحائفندن طاهر المولوی

اسلامده علوم وفنون ع . عاطف

(ده یلی تلغراف) غزته سنك مصره فیتسنك فتوا نه اعتراضی ع . د

اعتراض مذکورده جواب

ادبیات

غزل طاهر المولوی

نشدۀ مأیوسیت ع . خیری

ایرانك وضعیت حاضرہ سی عبدالاحد داود

ردی علی مافی القول من الردی مصطفی صبری



نسخہ سی ۱ غروشدرد

آبونه اجرتی (پوستہ اجرتیلہ برابر در)

ممالک اجنبیہ ایچون :

۶۰ ، ۲۰ فرانکی

» ۱۰ ، ۳۰

استانبول وولایات ایچون :

بر سنه لکی ۶۰ غروش

القی آیلنی ۳۰ »

درج اولنیمان اوراق اعاده ایدلمز

قارئلرمنزه

اکثر مقالانه آیات کریمہ واحادیث نبویہ درج ایدلمش بولندینی نظر اعتبارہ آلہ ورق رعایت سزایکده بوللماماسی رجا اولنور .

در سعادت

محمود بک مطبعه سنده طبع اولنمشدر

محکمه جبهه ویریلن حکم اعدامك عدم قبولی برر دلیل قطعی تشکیل ایدر بو اوج مجنونانه حرکات و افعالك ارتکابه تشویق ایدن فکر، بر فکرکه منتظم و قانونی بر حکومت مختاریه نك اصول اداره سنه تمامیه مخالف در. دیه بیلیرم که. بوفکر درجات مختلفه سیله برفکر در که. دوغربدن دوغری به محمدی اولقافك نتیجه تعلیمه سندن نشئت ایدور. محمدی اولانلر پیغمبر لرینی طسانیدقجه و بو اعتقادده دوام ایتدکجه بو اهالی نك بر قوه جبریه به مطاوعت ایتمکدن باشقه بر شکل حکومتی آ کلامه قادر اولدیلمزلر. هر نه قدر شونی سو یلمك عیب و چیرکین کورینیر ایسه ده کورسون، لکن شرقلیلرک اصول اداره مشروطیه دایر بسلیک لری افکار و خیالاتی تدقیق و مطالعه ایتش اولان هر بر آدم بو حقیقتی قبول و تصدیق ایتمکدن عاجز قلاماز.

بر نمونه و مثال اولق اوزره، قارئنه یالکیز بطرس باشانك قاتلی حقنده محکمه جبهه ویرلمش اولان حکم اعدامك مفق طرفدن عدم قبول و تصدیق باینده ارا نه ایدیلن سبیلرینی مطالعه بیورملری کفایت ایدر. جنایت فجیعیه به قربان دوشن بطرس پاشا قبطی خرسیتانلردن مشهور بر ذات ایدی. بناء علیه اوده دیکر لری کبی حقیقی ویرلی بر مصرلی ایدی. قاتل آل قانلی ال ایله دردست اولنوب اوزون و فقط حقانیتلی بر محاکمه دن صکره ایچنده نه بر انکیز ونده سائر دول اجنبیه تبعه منفور سندن کیمسه بولمادینی حالد محکمه طرفدن اعدامه محکوم ایدلیدی. محکمه نك دخی بو قرار حکمی - مصرده عادت اولدینی کبی - تصدیق و تنسیب اولنق اوزره مفق حضر ت لرینه تودیع قلندی. مفق بوملکسته شریعت اسلامیه بی بیان و اعلان ایدن بر ذات رسمی در. اهالی نك هیجانی سائقه مخوفانه سندن یا خود باشقه برسبیه مبنی مفق مشارایه حکم اعدامك تصدیقندن اجتناب ایدلیدی. ذاتاً مسلمانلر [وردانی] نك اسلام شهبیدی و قهرمانی اولدینی آلفشلامقده

وهو كلام العرب) صورتنده جواب ویریر، مسئله حیللی بر طرزده فقط کسانیک لهنده اولق اوزره حل اولنور، کسانئ ممنون اولورمی، اولمازمی اوراسی بیلنه مز سده هر حالده شهزاده نك آرزوسی یرینه کلیر. سیدویه ده اینی آ کلایه رق فوق العاده تأثر ایدر، اوملکسته طور مامقه قرار ویریر، عجمستان طرفلریته چکیلیر، کیدر.

قونیه لی :

ع. عاطف

بیان الحق اداره سنه

هر کسك معلومی در که [الوردانی] نامنده برفدائی مصرک باش وکیلی بطروس غالی پاشایی قتل ایلمش ایدی. قاتل معهود فعل جنایتی ارتکاب ایلدیکی آنده دردست ایدیلوب حضور محکمه ده جرمی مفتخرانه اعتراف ایتدی. محکمه عدلیه قاتلک اعدامه حکم ایلدی. مصرده عادت اولدینی اوزره بوسکی قرار و حکملر برای تصدیق مفقی به حواله اولندیقندن بومسئله ده حواله اولنش ایدی. مفقی ایسه اهالینك حسیاتنه قایله رق یا خود باشقه تضییقات سائقه سیله اعدام حکمی تصدیق ایتوب خلاف شرع فتوی ویردیکندن بوبابده [دهلی تلغراف] غزته سی قاهره مخبر مخصوصندن آلوب و ۷ حزیرانده جریده سنده نشر ایلدیکی بر مکتوبده محتاج ایضاح و بیان بعض فقره لر کورلمکله بوجه آتی خلاصه ذکر ایلرم :

و مصرلی نك بر حکومت غریبه نك اصول اداره سنی ادراک ایتمکه نه درجه به قدر عدم اقتداری حائر اولدینی پك آز بر زمان ظرفنده وقوع بولان اوج جریاندن کوزلجه آ کلایله جقدر. . سوش قنالی معاهده سنك ردی، بطروس غالی پاشانك اتلافی و مفقی نك قاتل حقنده

احوال حاضرده بو عا دنیا قتلہ تحریر کدن بشقہ بر شی دکدر . مفتی نک اوچنچی ویردیکی سبب کویا بطروس پاشانک اقربا و خصماری طرفدن اشتکا اولمیدینی ایچون جانی شرعاً مستحق قصاص اولمیه جقمش . بو عجیب بهانه و معذرتی ایجاد ایلدیکنی زمانده مفتی نک فکری آرقه - نده نه کنی سوائق بولمیدینی کشف ایتک کوجدر . افرادک حمایه سی ایچ - ون حکومتک مداخله سی و آنلرک بالذات انتقامات خصوصیه لرینی آملق باینده کی تشبثاتک ممنوعیت شدیدہ سی اصول اجتماعیه جدیدہ نک اک درین تمکنی تشکیل ایدر صانیم .

مخبرک مقاله سی اوزوند و مآلی ده معلومدر . « ده یلی تلغراف » غزته سی دنیاده اک زیاده منتشر بر جریده یومیهدر . ایکی یوز الی بیک بو قدر قارئنه مالک اولان بو منتقد انکلیز غزته - نده بویله بر مکتوبک درجی واسلامیتک انظار جهانہ بویله شکل سیاه ایلہ تصویر اولمیشی بزی صوک درجه ده دلسوز ایدیور . شایان دقت درک انکلیزلرک بر طبیعتلری واردرک اوده غزته او قوماق مراقدیر . فقط غزته نک محتویاتنه ال . زیاده مطالعه - نی آرزو ایتدکاری شی شئون اجانبہ یا وقوعات خارجیه یه دکل . بلکه امور داخلیه و کندی مات وایمراطورلغنه عائد مسائلدن عبارتدر . بوکون بونون انکلیزلری دوشوندیرن بر مسئله وار ایسه اوده مصر احوالی در . ناسیونالستلر ایلہ جرائد مصریه نک « بیجان و فرط وطن پرورانه حرکاتی اوندره قایینه سی ورجال دولتی اندیشه ناک ایدیور . بناءً علیه مکتوب مذکور و مصر مقبلسنت شو تقریری هر انکلیزک مسموعی اولمشدر .

اصول مشروطیتہ دنیاده بتون اسکی ویکي ادیاندن ده - زیاده موافق و مساعد اولان بو دین مقدسمزک بویله جاهلانہ بر صورتله مسلمانلرک مقبلیسی طرفندن شرح و بیان ایدلمسی بزی اسفدن عاری ایدم . اون بش مایوندن عبارت اولان مصر و سودان مسلمانلرندن

اولدقلرندن مفتی نک صرف و ساده راستنکافی او قدرده شایان مؤاخذہ اوله بیلیمزدی . لیکن حکم اعدامک اوچ سببه مبنی شرعاً غیر مقبول اولمیدینی رسماً اعلان ایلدی - برنجی سببده مفتی حضرتلری دیورکه : - جناب پیغمبردن لوورور ایلہ اجرا ایدیلن قتلہ دائر هیچ بر احکام یا حدیث شریف وارد اولمیدیندن دولایی سلاح مذکور ایلہ اجرای قتل ایدن بر مسلمانہ جزای اعدامک تطبیق شرعاً ممنوعدر . مفتی نک تہیه ایتدیکنی شو طفیلانہ کولنج شرح و بیانی بلاخنده و تبسم دیه بیلیم که یک فنا بر شرح در . هیچ بر اعتراضه هدف اولمیان شو صاحبه شرح ، بلکه بالعکس ، بر اسلام اولکهنده جاری اولان قتل قانوننک عیناً تفسیری اولمق اوزره بوتون اهالی طرفندن قبول ایلدیکنی کوروبده اسلامیتک مشروطیت اصولیلہ استحصال ایدیلن حریت ایلہ توافقی خصوصندن کی قابلیتہ معتقد اولان اک جدی آدملری دخی متأثر و مکدر ایدہ جکهنہ کافی بر دلیل تشکیل ایدر . بو برنجی سببده ایکی حقیقت موجوددر . اولاً بر آدمی بر فردی ناموس و شرفدن تمامیلہ عاری ایدر . ثانیاً ، فعلاً بر دینک ابطال و فسخنه ضرورت کوستریور . ایکنجی سبب ایسه مصر مختاریتی التزام ایدنلرک اصرار و آرزولرینی تمامیلہ ازاله ایدہ جکدر . بونده مفتی دیورکه بر مسلمان دیگر غیر مسلمی اولدیر رایسه . فعل مذکور نظر شریعتده قتل عد اولماز و بناءً علی ذلک اسلامک اعدامی شرعاً جائز دکدر . قیاساً عقل بیلہ مفتی نک مشوقلرینه مهیدلرینه شونی اوکرتلی ایدی که بویله جسورانه بر تقریر مصرک اجنبی تضییقی آلتنده ده - شدید صقیتمسنه بر وسیله تشکیل ایدہ جکی مسلمدر . زیرا بو مناسبترین تقریر مفادینه کوره ، شمعی شریعت مقدسه لرینی اجرا ایتک اوزره مسلمانلرہ کندی مملکتلرندہ مختاریت اداره ویریلیرسه او مملکنده ارتق خرسیتانلر ایچون یشامق غیر قابل اوله جقدیر .

طرفه‌دن امر و یا نهی ایدیلان معروف و یا منکرک
خلافنده و قوعبولان حرکتدر . بونک انواع واقسامی
چوق اولوب بر قسملری حقنده شارع جزایی تعیین
و تحدید بیورمشدر که بوکا حدود الله تسمیه اولنور
دیگر جرملرک جزاسنک تعیین و تقدیرینی اولی الامر
تفویض ایلمشدر .

اولی الامر . مصلحت عامیه مبنی بالجمله جرایم
مرتبکیرینی ایجابنه کوره ضرب ، حبس ، نفی ، اعدام
ایله جزالندیرمه شرعا مأذوندر بونک تحقیقات و محاکماتی
حاکم الشرع حضورنده اولوق شرط اولیوب بوخصوصده
امیرده صلاحیتداردر . بوکا لسان شرعده تعزیر دیرلر
تأذیب معناسندهدر .

احکام شرعیهده برده سیاست وادرکه تعزیر ایله
لفظ مترادفدر . سیاست قواعد شرع تحتنده داخل
اولان هر شئیده جائز اولور . اکا مخصوص بر نص
شرعی ورودینه حاجت یوقدر زیرا شریعتک مداری
بقای عالم ایچون ماده فسادک جسمنه مبتدیر . ایسته
بوکا مبنیدرکه ۱۲۷۴ تاریخنده تنظیم اولنان جزاقانوننامه
سنک برنجی ماده سننده تعیین و اجراسی شرعا امر اولی
الامر عائد اولان تعزیرک تعیین درجاتی اشبوقانوننا .
مه نك متکفل و متضمن اولدینی و انحق هر حالده شرعا
معین اولان اولان حقوق شخصییه خلل کلیه جکی
تصریح ایلمشدر .

شمدی مقصده کچلم قتل بر جرمدر و همده اعظام
جرانمنددر بونده شرعا بر حقوق شخصییه و برده حقوق
عمومیه وارددر .

حقوق شخصییه قصاصی موجب اولان قتلده قصاص
موجب اولیلان قتلده دیتدر . قتله حقوق شخصییه
دعواسی صاحب حقک یعنی ولی مقتولک اقامه ایده جکی
دعوی اوزرینه حاکم الشرع حضورنده رؤیت ایدیور
ورنه دعوی ایتمز و باخود بعدالدعوی فراغت ایدرس

برسی چیقوبده مفتینک شو بیاناتی ردومؤاخذمه ایتمه سی
بزم قلمیزی جریحه دار ایدیور .

له الحمد که باب مشیخت عالیای اسلامیه جانب عالی سندن
تعیین فلان مصر قضی عسکری مداخله ایدوب مفتینک
فتواسنی ردایدیرک محکمه نك قرارینی رسماً تصدیق ایلدی .
اشته عاقل و عالم بر قضی عسکری ملت و دولته یابدینی
بر خدمت کزیده ! قوجان بر صدر اعظمی اتلاف ایدن
بر جانی اعدام ایتدردی . شمدی جمعیت علمیه محترمه دن
رجا ایدرم که بو بایده بنم کبی بتون اسلامیتی بیان و سوه نلری
مستریخ قیلمق و مالکمزده ساکن ملل غیرمسلمه پی ده مطمئن
بیورمقله برابر (ده بلی تلفراف) غزته سنه فناءتبخش
بر جواب اولوق اوزره استفتا ایلدیکم سؤاله بوتون ادله سی
ایله برابر بر جواب اعطاسیله مخبرک اسلامیه عطف
ایلدیکی چرکین حاللر ازاله ایدلسون .

ع . د

بیان الحق

(ده بلی تلفراف) غزته سنک قاهره مخبرینک شو
مکتوبی برقیمتی حائر اوله منز . چونکه بر فکر مخصوص
اوزرینه یازمش اولدیمی اکلاشیلور بیک اوچیز کور
سنه دزبری برانکده یاشادیغمز ملل غیرمسلمه صورت
دائمه ده مطمئندرلر و بزم شریعتنک احکامنی کوزلجه
بیلدکاری کبی اجنبیلرده بیلورلر مع مافیہ مسئله پی
بر وجه آتی ایضاح ایده لم .

حقوق شرعاییکی قسمه منقسمدر برسی حقوق شخصییه
دیگری حقوق الله تعیر آخرله حقوق عمومیه در .
حقوق شخصییه صاحب حقک اقامه ایده جکی دعوی
اوزرینه رؤیت ایدیور . حقوق الله شرعا جرم عد
ایدیلان بالجمله احواله تعلق ایدر و ترتیب مجازانی بر
شخصک ادعا و طلبنه موقوف اولیوب طوغریدن
طوغرییه حکومت عائددر .

جرم برشیمی یایق و باخود باسلامق اوزره شارع